

4. november 2010
14. april 2010

UKA 2010/32
UPA 2010/47

Qimmit aalajangersimasut, avatangiisiminnut ulorianarsinnaasutut nalilerneqartut eqqunneqartarnerisa kinguaassiorsinnaanerisalu inerteqqutigineqarnissaat kiisalu qimmit taakku qimminik assiginngisaminnik ernioqateqarsinnaanerisa pinaveersimatinnissaat anguniarlugu Naalakkersuisut suliniuteqarnissamat peqquneqarnissaannik Inatsisartuni aalajangiiffigisassatut siunnersuut.

(Inatsisartunut ilaasortaq Justus Hansen, Demokraatit)

Akissuteqaat

(Inuussutissarsiornermut Aatsitassanullu Naalakkersuisoq)

Aappassaanneerinnineq

Naalakkersuisunit Inuussutissarsiornermut ataatsimiititaliaq qutsateqarfigineqarpoq qimmit aalajangersimasut, avatangiisiminnut ulorianarsinnaasutut nalilerneqartut eqqunneqartarnerisa kinguaassiorsinnaanerisalu inerteqqutigineqarnissaat kiisalu qimmit taakku qimminik assiginngisaminnik ernioqateqarsinnaanerisa pinaveersimatinnissaat anguniarlugu Naalakkersuisut suliniuteqarnissamat peqquneqarnissaannik siunnersuummit akuersaarinnittumik suliarinnis-simaneranik.

Danskit naalakkersuisuisa qimmit aalajangersimasumik taaneqartut 13-it kiisalu qimmit taakku qimminik assiginngisaminnik ernioqateqarsinnaanerit pillugu inerteqqut akuersissutigisimavaat piviusunngortissimallugulu. Inerteqquteqarneq Danmarkimi 1. juli 2010 atuutilerpoq. Naalakkersuisut qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaannut allannguutissatut siunnersuuteqarput, tassuuna qimminik aalajangersimasunik 13-inik kiisalu qimmit taakku qimminik assiginngisaminnik ernioqateqarsinnaasut Kalaallit Nunaannut eqqunneqarnissaat, piginissaat kinguaassiorinneqarnissaallu inerteqqutigineqalerlutik. Allannguutissatut siunnersuut suliarineqarpoq danskit ulloq 1. juli 2010-mi inerteqquteqalernerisa kinguninnguatigut. Taamatut kingusissumik Danmarkimi atuutilersitsinerup kingunerisimavaa, allannguutissatut siunnersuut 2010-mut Ukiakkut ataatsimiinnermi angumrineqarsinnaasimangitsoq, tassami katersuunnissamat siunnersuutinik tunniussinissamat piffissaliussa qeqqutsinneqarsinnaasimangimmat.

2011-imi Upernaakkut katersuunnermi inaarutaasumik allannguutissatut siunnersuusiortoqasaaq qimmit aalajangersimasut 13-it kiisalu qimmit taakku qimminik assiginngisaminnik ernioqateqarsinnaanerisa inerteqqutigineqarnissaat pillugu.

Taamatut Naalakkersuisunit oqaaseqarfigaarput.